

Arriva il Carnevale ! (marzo 2014)

Chissà perché a Carneval l'è gran baldoria?
Bisogn savé tuta la storia
'Na storia longa di secol pasaa
Quand ch'in Quaresima s'usava digiunà
'Na roba seria! Per quaranta dì
Pan e pessit sera e mezdì.
L'è per quest che fin l'ultim moment
De mangià a crepapel s'era mai content.
Adess el digiun nissun la fa pu
O 'l fan per salut, per tegniss on po su
Per vegh la vita un po pussé snela
E fa 'na figura on cicin pussé bela.
L'è per quest ch'el digiun l'è sparì
E l'è carneval ormai tucc i dì.
Gh'è però 'na roba che capissi no
Quela di mascor a scondes el co.
La nostra facia l'è quela vera
Perché consciala in chela manera?
Disen che 'l fan per mett alegria
Ma la nostra facia l'ha fada 'l Signor
Che 'l m'ha creà a sua somiglianza
L'è minga assée 'na bela cera e on po de creanza
Per mett intorna 'na bona armonia?
'Dess però voeri no fa la moral
E buttà 'n l'ari el carneval.
Fée pur baldoria e stée content
Me car amis e mia cara gent.
Ma quand Quaresima la vegnarà
Metteghel tutt el vost sentiment
Per andagh adrée al bon Gesù
E fa la Pasqua insema con Lu.

Il Carnevale, in preparazione della Quaresima.
(da Don Arnaldo)